

PROLEGOMENA

NOTITIA IN JOANNEM SARESBERIENSEM

(Gall. Christ. nov., t. VIII, col. 1146)

Natione Anglis Joannes, a patria Sarisberiensis A vulgo cognominatus, Parisios profectus anno 1136, magistros habuit Petrum Abælardum. Albericun Remensem, Gilbertum Porretanum, Robertum Pullum, alioisque hujus ætatis doctrina insignes viros. In scholis Parisiensibus annos fere duodecim consumpsit instruendis ad paupertatem sublevandam nobilium liberis. Familiaris fuit Theobaldi Cantuariensis archiepiscopi, ejusque successoris S. Thomæ: ad primum adhuc cancellarium Henrici II, Anglia regis, insigne opus *De nugis curialium* misit; cum in obsidione Tolozæ regem comitaretur anno 1159. Regi quoque Angliæ acceptus, ab ipso publicis gerendis negotiis exhibitus est. Misit enī eum Romanum ad Adrianum papam IV, ad impetrandum occupande Hiberniæ privilegium, quod solemniter B in synodo Geatfordensi recitavit, regique obtulit summi pontificis nomine annulum aureum in signum ivesitutæ. Summis etiam pontificibus charæ fuit et notissimus, Eugenio III et Adriano IV, ut liquet ex libertate et fiducia qua huic papæ ausus est expotiæ plurima curiæ Romanæ vitia. Alexandro quoque papæ a secretis et epistolis fuit; eo enim potissimum usus est ad scribendum adversus Octavianum antipapam ejusque sautores. Denique post peragratas Italiam et Galliam, quas nominis sui fama jam impleverat, promovente in primis Guillermo Senonensi archiepiscopo simulque electo Carnotensi, et rege approbante eligitur episcopus Carnotensis, tum ob doctrinæ et virtutis meritum, tum maxime quod sancti Thomæ Cantuariensis archiepiscopi fuisse in exilio alisque ærumnis socius. Post hanc electionem, die 22 Julii anno 1176, Cantuariam accesserunt decanus, cantor et cancellarius Ecclesiæ Carnotensis, petentes Joannem sibi concedi, cui capitulum absente episcopo dimissorias dedit litteras. Joanni quoque ipse scripsit Ludovicus rex, ut electioni præberet assensum. Sicque apud Senonas consecratus fuit die Dominica, 8 Augusti, a Mauricio Parisensi episcopo; die vero Assumptionis beatae Mariae Ecclesiæ sum solemnem init possessionem, quam per annos quatuor rexit. De eo sic in supplemento Sieberti: « Successit in Carnotensi urbe Joannes Saleabriensis, vir honestus et sapiens, qui prius fuerat clericus Theobaldi Cantuariensis episcopi et postea sancti Thomæ martyris, successoris ejusdem Theo-

C baldi. » Clericus quoque fuerat Petri Cellensis, ut constat ex epist. 6, lib. vii, ad Lundensem archiepiscopum: « Senonensis archiepiscopus factus est Remensis: magister Joannes Saresberiensis, quondam clericus noster, factus est episcopus Carnotensis. » Aluminum Joannem vocat lib. vii, epistolis 20 et 21, de ejus electione loquens ad Cantuariensem archipræsulem: « Sanctissimæ, inquit, memoræ predecessor vester archiepiscopus Theobaldus de gremio et sinu nostro magistrum Joannem Carnotensem episcopum inopem et pauperein suscepit, sed, Deo juvante, usque ad nomen magnorum qui sunt in terra fomentis suis provexit. » Apud eumdem Cellensem leguntur et septem epistole scriptæ Joanni nondum episcopo, et complures e quibus innotescit arcta cum ipso amicitia necessitudine conjunctum fuisse, a quo exsul in abbatiam benigne exceptus, multisque postea beneficiis donatus fuit, quibus obnoxium se profitetur Joannes, in primis vero epistola 83, cuius exordium est: « Non est novum quod mihi vestra benignitas alimentorum subsidia præcuravit, quæ sic meam in terra aliena paupertatem exceptit, ut nec patris munus, nec maternus mihi decesse videretur affectus. Magnum quidem erat sic exsuli providere, ut apud exteris nationes civium commoditatibus fruerer, sed multo majus est quod mihi diligentia vestra prospexit, ne a natali soli dulcedine, quæ totius generis universitas capit, perpetuo exsularem. Vestrum namque munus est, quod reversus sum in terram nativitatis meæ. Vestrum munus est, quod principum virorum assecutus sum notitiam, familiaritatem, gratiamque multorum. Vestrum munus est, quod florere in patria videor, et auctore Domino multis præferri concivibus et coælaneis meis. Sed quid est quod liberalitatis et munificentiae vestrae titulos membratim exsequor, cum illorum numerus et immensitas sic totum animum impleant, ut effluant, et totius mentis capacitatem exsuperent? A Domino quidem ut et illa sola, quæ non sufficio recordari, debeam meruisse quidquid sum et possum. Obligatus itaque sum, ut nulla gratiarum actione valeam liberari, cum merita vestra omnes conatus meos absorbeant, præsertim cum devotio vestra me sibi continuis obliget beneficiis, » etc.

Factus itaque episcopus Joannes B. abbati Sancti

Launomari licentiam dedit ædificandi oratorii in villa Moresio an. 1176, episcopatus primo. Concessam a prædecessoribus ecclesiam de Choa canonis Sanctæ Magdalene Castriduni confirmavit anno 1177. Eodem conventionem inter Simonem Meldensem episcopum et abbatem Fossateusem initam vice papæ fungens in hac parte ratam habuit. Astitit quoque regibus Franciæ et Angliæ jurantibus ituros se in servitium crucis. Anno 1178, qui episcopatus ejus secundus dicitur in chartulario Sancti Aviti, ecclesiam de Villamauri canonis S. Clodoaldi adjudicavit contra Wauterium archidiaconum Dunensem, 15 Sept.

Concilio Lateranensi interfuit mense Martio 1179, in quo sedentibus Patribus ad condenda nova decreta, « absit, inquit, nova condi et plurima veterum reinterigi et innovari, » etc. Abbatem Sancti Petri investivit anno eodem de eleemosyna facta monasterio. A sede apostolica delegatus, discordias inter abbatem Sancti Dionysii et canonicos Sancti Exuperii Corboliensis composuit anno 1180. Eodem anno, Joannis comitis Vindocinensis ad Jerosolymitanum iter sese accingentis exceptit satisfactio-
nem de injuriis monasterio Sancti Launomari Blesensis illatis, eumdemque a vinculo excommunicationis, quam ob illatas monachis Vindocinen-
sibus injurias a triennio incurrerat, absolvit. Existant apud Martennium duas ipsius epistolæ, ne Petrus de Candio monachos de Fontanis contra formam ordinis Cisterciensis missam in ecclesia de Lauda celebrare cogeret.

Robertus de Monte in Appendix mortem Joannis ad annum 1181 refert, alii 1182. Communior inter eruditos sententia est Joannem e vivis sublatum fuisse die 25 Octobris anni 1180, ut constat tum ex Necrologio Josaphatensis monasterii in quo sepultus est, tum ex Chronologia Hugonis monachi Antissiodorensis ejus æqualis, qui predicto anno mortem Joannis ascribit, tum ex Guillermo Nangio, qui eum ob sapientiam et animi strenuitatem laudat. In Necrologio Josaphati de Joanne sic habetur : « viii Kal. Novemb. depositio domini Joannis Carnotensis episcopi, viri christianis institutis præclarisque moribus admodum fulgentis, cuius corpus jacet apud nos in capella Beatae Mariæ. Hic ante adoptionem episcopatus fuit capellanus sancti Thomæ Cantuariensis archiepiscopi, cum ipse martyrum passus est apud Anglos. » Necrologium vero Carnotense : « Obiit piæ recordationis pater noster Joannes prius B. Thomæ Cantuariensis archiepiscopi et martyris a secretis, postea hujus misericordissimæ Dei matris Ecclesiæ episcopus venerabilis, vir magnæ religionis, totiusque scientiæ radiis illustratus, verbo, vita, moribus pastor omnibus amabilis, soli sibi nincis crudelis, a pedibus usque ad collum cilicio semper carnem domante. Qui dominum episcopi ab avena, quam in ea præpositus Baillioli habebat, liberavit, ecclesiamque istam toto cordis affectu, tota mentis intentione

A dilexit, et eam divergorum ornamentorum fulgore decoravit, cappa optima, tribus palliis, annulo episcopali pretioso, vestimentis sacerdotalibus pretiosis. Duo vasa pretiosa eidem ecclesiæ contulit, in altero quorum sanguinem gloriosi martyris Thomæ Cantuariensis archiepiscopi videntibus nobis adhuc stillantem, in altero reliquias sanctorum martyrum Crispini et Crispiniani posuit. Reliquias etiam gloriose nobis contulit S. Geronis de comitatu virginum Coloniensiū. Privilegium etiam acquisivit, ut servos Carnotensis ecclesiæ posset pro necessitate vel manifesta utilitate sua manu-mittere, non impidente sæcularis violentia potestatis; in quo etiam additur, ut si quando pro justitia nostra ante sæculares vel ecclesiasticos B judices tracti fuerimus, nullus nobis duellum, vel judicium carentis ferri, vel aquæ ferventis seu frigidæ imponat, sed justitiam nostram liceat duobus vel tribus testibus legitimis comprobare. Contulit etiam huic ecclesiæ hæc librorum volumina, Hieronymum super Marcum, Isaiam, et Ezechielem et Danielem, et Epistolas Pauli et xii prophetas. Minus Breviarium ejusdem et psalmos. Item contra Jovinianum, librum De divinis officiis, librum Hugonis, et Lamentationes Jeremiæ, librum De ecclesiastica seu cœlesti hierarchia, Rabanum De ecclesiasticis officiis, etiam et Paralipomenon, Augustinum contra Judæos, et De lxxxiii questionibus, De doctrina Christiana, Origenem in Josue, Valerium, Lactantium, Vegetum, Chronica Sieberti, Psalterium Lombardi, librum Regum glossatum, Irar- chiam, Lanfrancum De Eucharistia contra Berengarium, Historias Joannis Turonensis, Historias Entropii, Isidori Etymologias, homiliae Leonis PP: Benedictionalem et Collectarium, Senecam De naturalibus questionibus, Tullium De officiis et De oratore, et præter hæc Polycraticon suum, et bibliothecam integrum, quorum maxima pars temporum incuria deperditæ, aut aliquorum damnata cupiditate suffurati fuerunt. Ad opus etiam fratrum, qui anniversario ejus intererunt, acquisivit in vico Sancti Petri de Valle xi solidos supercensuales apud Mongervillam, xx sextarios obliterarum cum sur- nimentis, et campipartem, et alios redditus unius et dimidiæ beatæ terræ. In parochia Chaufurni decimam de Charmeo. In majoria fisci decimam alodorum Genunvillæ, et alia plura. »

Græco Latinoque facundus eloquio hic præsul, posteritati reliquit famosum *Polycratici* librum, distinctum octo libris, *De nugis curialium et vestigiis philosophorum*, quod opus Theobaldo Henrici regis Angliæ cancellario inscripsisse auctor est Albericus, sed de eo nihil in procœmio. De hoc libro Petrus Blesensis epistola 22, ad eumdem, quem magistrum suum appellat : « Librum vestrum *De nugis curialibus legi*, et mirabiliter me refecit : nam et ibi optima forma eruditio est, et propter artificiosam sententiæ varietatem inæstimabilis materia volutatis. » Eumdem *Polycratici* librum laudat J

Lipius ad librum XII *Annaium* Taciti. Vitam quoque sancti Thomae Beketi archiepiscopi Cantuariensis composuit Joannes, sub eo notarii officio functus, ejus individuus comes, imo manus et oculus, cuius meritis tantum tribuebat, ut factus episcopus in omnibus chartis tunc temporis datis, non suis, sed sancti martyris meritis pontificalem ascriberet dignitatem. Inter plurimas quas ad eum

A Petrus Blesensis scripsit epistolas legenda potissimum 70, ex qua intelligimus Joannem ita a carne et sanguine suis alienum, ut mallet exteros ad beneficia promovere, qua' nepotes, licet pauperes et honestos. In notis ad epistolam 22 ejusdem Petri Blesensis, qui Joannis fuerat discipulus, Gussenvillæ encomium fecit nostri Joannis, de cuius aliis operibus consulendi bibliographi.

NOTITIA LITTERARIA.

(FABRICIUS, *Bibliothicæ med. et inf. Latinæ*, VI, 131.)

Joannes Petitus, sive Parvus (a) a patria Sarisberiensis, natus in provincia Angliae Sarisberia, quæ ab imp. Severo (b) Severia etiam dicta, unde pro Sarisberiensi apud Lelandum cap. 176 appellatur idemque est *Joannes Severianus*; ad quem Petri Blesensis existant Epistolæ, et ad quem Morsus Ravennatensis scripsit librum de interpretatione Graecarum dictionum. De studiis ejus videndus Bulzæns tom. II, *Hist. Academ. Paris.*, pag. 750 seq. Utriusque linguae peritum et in optimorum scriptorum subactum lectione, ingenium et facundiam carmine conspicuam ac prosa, lucubrations ejus testantur. Auctoritatis, sive ut ipse appellat majestatis potiūfice ac sacerdotalis propugnator acerrimus, et propterea a rege Angliae pulsus in exsilium, idem vitia et subibus aularum et cleri atque ipsorum Pontificum et pulchre perspexit, et libere notavit, ipse familiaris archiepiscoporum Cantuariensium Theobaldi et Thomæ, et apud pontifices Eugenium III, Adrianum IV atque Alexandrum III. Gratiosus, Carnotensis denique ab A. 1172 episcopus (c) interfuit concilio Lateranensi A. 1179, atque diem obiit An. 1182, successorem nactus Petrum Cellensem. (d) Ejus scripta :

Polycreticus sive *De nugis curialium et vestigis philosophorum* libri VIII, ad Thomam tunc adhuc cancellarium Angliae (e) postea ab A. 1162 ad A. 1171 archiepiscopum Cantuariensem. Opus varium jucundumque lectu, et in quo centone multos paninos purpuræ et fragmenta melioris ævi agnovit Lipsius ad Taciti XII, 63, quod perspicuum etiam ex indice scriptorum, quem pleniorum et accuratiorem dare est animus in nova editione Biblioth. Latinæ IV, 3. Ipse in epistola 80, ad Petrum Cellensem : *Edidi librum De Curialium nugis et vestigis philosophorum, qui mihi a vestro placebit aut displacebit arbitrio. Inclusus est, et ex edicto meo.* a

(a) Menagius pag. 239, ad Laertium. Apud eundem pag. 109 : *Joannes Sarisberiensis sive Jo. Parvus, lege Joannes Parvus.*

(b) Huc refer quod *Joannes Sarisberiensis* vir. 19, *Polycretici*, pag. 647 : *In catalogo imperatorum ute, a quo genti meæ nomen est, Severus.*

B robis amicis desiderat emendari. Ad illustrem virum regis Anglorum cancellarium properabat, sed eum, nisi processus expedierit, cohíbete. Garrulus enim est et qui vix amicum habebit in curia. Nolle tamē quod nos curialibus facheret inimicum. Precor ut eum incunctanter eruditias, cumque exspectanti amico remittite castigatum. Non equidem ut sur ille Cantuariensis Brito, de cuius manibus avelli non potuit antequam totus depingeretur, forte ut facilius possit argui hostium oculis ingerendus.

Prodierunt hi libri Paris. 1513, 4°; inde Lugd. Bat. 1595, 8°, et Paris. 1610, 8°, et emendationes, subjuncto Metalogico, Lugd. Bat. 1639, 8°, Amst. 1664, 8°, et una cum epistolis in *Bibl. Patrum* supplemento Coloniensi A. 1622, et in t. XXIII *Bibl. Patrum* Lugd. Antiqua versio Gallica fuit in *Bibl. Menarsiana*, pag. 33 : *Polycreticon des traces des philosophes, et des truffes et vanitez de ceux qui suivent les cours des princes.*

Eutheticum metricum quod vidisse se negat Labbeus, est comptum illud eutheticum elegiacum versus 306 *Polycretico* præmissum, quod incipit :

Si mihi credideris, linguam cohíbabis, etc.
et ad Thomam pertinet quem celebrat versu, 27 :

Quæsitus regni tibi cancellarius Angli, etc.
Neque aliud est *carmen* adversus barbariem quod Nigello Wireckero præter reu tribuerunt Baleus III, 50, et Pitseus p. 270, ut probe notatum Jac. Thomasio, *Diss. de Nigello*, §. 51 seq., qui etiam §. 56 recte notat a Pitseo p. 248 et 246 perperam distingui tanquam duo diversa Joannis Sarisberiensis scripta, *Eutheticum metricum*, et *Eutheticum* in *Polycreticum*. Non omittendum autem quod Andreas Rivinus Lipsiæ 1655, 8°, edidit duorum veterum Carnotensium episcoporum, Fulberti et Joannis de Sarisberia, scripta metrica, in quibus hoc carmen eutheticum exhibetur cum editoris notis, eique sub-

(c) Valde exultat de illa electione Petrus Cellensis VII, 8, epist. ad Guilelmum Remensem archiep. Vide et Petri Blesensis epist. 114.

(d) Sammarthani tom. II *Gallæ Christianæ*, pag. 491; Oudinus tom. II, pag. 1504.

(e) Albericus in *Chronico* ad A. 1157, pag. 329